

Mga Pagtulun-an mahitungod sa Bunyag ug sa Sakramento sa Doktrina ug mga Pakigsaad 20

Bahin 1: Mga kwalipikasyon alang sa bunyag

Basaha ang Doktrina ug mga Pakigsaad 20:37, mangita og unsay gikinahanglang buhaton sa usa ka tawo aron mahimong kwalipikado sa bunyag.

Kon gikinahanglan, pangitaa ang mga kahulogan sa mga pulong nga wala nimo masabti. Dayon ilita ang mga kwalipikasyon sa bunyag diha sa luna sa ubos. Mahimo nimong usbon pagkasulti ang pipila niini sa imong kaugalingong mga pulong.

-
-
-
- Unsa ang gitudlo niini nga mga kinahanglanon kanimo mahitungod sa Ginoo ug sa Iyang mga tinguha alang kanato?
 - Sa unsang paagi mapuslanon ang paghinumdom niini nga mga kinahanglanon bisan human na kita mabunyagi?

Pagpili og duha o tulo sa mga kinahanglanon nga nalista sa bersikulo 37. Hisgoti kon sa unsang paagi nga ang makanunayon nga pagpaningkamot sa pagbuhat niini makatabang nimo nga mahimong mas mahisama sa Langitnong Amahan ug ni Jesukristo.

Bahin 2: Mga kinahanglanon human sa bunyag

Basaha ang Doktrina ug mga Pakigsaad 20:68–69, mangita sa mga gipaabot sa Ginoo alang kanato human kita nabunyagan.

- Gikan sa bersikulo 69, unsay imong nakat-onan kon sa unsang paagi nato mapakita sa Ginoo ang atong katakos human kita mabunyagi?

Ikonsiderar ang pagmarka sa hugpong sa mga pulong nga “matarong nga kinabuhi ug panultihon” diha sa bersikulo 69. Ang usa ka tawo makapakita og “matarong nga kinabuhi ug panultihon” pinaagi sa mga buhat, kinaiya, ug mga pulong nga nahiuyon ngadto sa Dios.

- Unsa sa imong hunahuna ang pipila sa mga rason nga gusto sa Ginoo nga ang mga miyembro sa Iyang Simbahan magpakita og “matarong nga kinabuhi ug panultihon” human sila mabunyagi?

Hisgoti ang labing menos tulo ka piho nga mga ehemplo sa mga paagi nga atong mapakita ang “matarong nga kinabuhi ug panultihon” diha sa atong mga kinabuhi. Mahimo usab nimong hisgotan ang mga ehemplo sa mga paagi nga imong gipaningkamotan ang pagpakita niini diha sa imong kaugalingong kinabuhi.

Bahin 3: Pag-ambit sa sakramento

Basaha ang Doktrina ug mga Pakigsaad 20:75, mangita sa mga panudlo sa Ginoo mahitungod sa ordinansa sa sakramento.

- Ngano sa imong hunahuna nga gusto sa Ginoo nga magkatigom kita matag semana aron sa pag-ambit sa sakramento?

Ang mga bersikulo 77 ug 79 naglangkob sa mga pag-ampo nga gisugo sa Ginoo ngadto sa mga naghupot sa pagkapari [priesthood] nga ihatag kon mangalagad sa sakramento. Pinaagi sa ordinansa sa sakramento, atong gibag-o ang mga pakigsaad nga atong gihimo sa dihang kita gibunyagan ug gikumpirmahan. Samtang kita maningkamot sa pagtuman sa atong mga pakigsaad ug maghinulsol matag adlaw, kita makasinati sa samang paglimpyo ug mga panalangin nga atong nasinati pinaagi sa bunyag.

Basaha ang Doktrina ug mga Pakigsaad 20:77 ug 79, mangita sa unsay atong gisaad ug sa unsay gisaad sa Ginoo kon kita moambit sa sakramento. Ikonsiderar ang pagmarka niini nga mga saad diha sa imong mga kasulatan.

- Unsaon nato sa pagpakita sa atong kaandam sa pagdala diha sa atong mga kaugalingon sa ngalan ni Jesukristo?
- Unsa ang pipila ka mga paagi nga atong mapakita sa Manluluwas nga kita nahinumdom Kaniya?

Sa unsang paagi nga ang ordinansa sa sakramento nagpakita sa gugma ug kaluoy sa Manluluwas alang kanato?